



Decisiuns dalla radunanza communal Surses

La radunanza communal Surses digls 7 da favrer 2022 ò:

- accepto cun 129 cunter 87 vouchs la revisiun parziala dalla planisaziun locala «zona da cultura ed alloschamaint Mulegns»;
- fixo cun 133 cunter 8 vouchs igl li a Gravas, Cunter (parc. nr. 5449/5450), sen igl areal digl luvratori "vonbueren - restaurieren" per construeir igl luvratori communal nov ed incumbenso la suprastanza communal d'elaborar igl project da detagl correspondent. An discussiun èn stos anc dus oters lis, numnadamaintg a Cunter, Gravas (parc. nr. 5339/5443) ed a Savognin Lecsch/Davos Fallung (parc. nr. 3954). La suprastanza veva fatg la proposta da realisar igl luvratori communal a Savognin, damanevel dalla deponia Davos Fallung;
- approvo cun 187 cunter 14 vouchs igl credit brut da 1.4 miu. francs per sanar e transfurmar l'antieriura tgesa da scola a Bivio an local da pumpiers e sala polivalenta ed incumbenso igl madem mument la suprastanza cun l'execuziun;
- accepto cun 213 cunter 2 vouchs igl affar davart igl project d'investiziun "plazzas da sport La Nars a Savognin" ed igl delibero per mangs digl cumegn d'urna Surses cun la proposta d'approvar igl credit d'impegn da 4.5 miu. francs necessari persiva;
- piglia cunaschientscha da diversas infurmaziuns.

Igl protocol dalla radunanza communal digls 7 da favrer 2022 ò da neir publictgia igl pi tard en meis siva la radunanza cun en termin d'exposiziun da 30 deis. Igl termin d'exposiziun exact vigna communitgia a taimp util aint igls figls uffizials digl cumegn.

Tinizong, igls 8 da favrer 2022

Suprastanza communal Surses